

仙溪誌

上集

宋黃巖孫撰

仙溪志序

郡邑有志、其來尚矣、凡境土之廣狹、山川之近遠、戶口之多寡、租賦之重輕、解署之布置、守令之代更、與夫忠臣孝子、義夫節婦、文章足以經世、道德足以師表者、以至物產之宜、仙釋之異、莫不備具焉、予行四方、所至郡邑、常首訪是書、故每得其風土之實、惠者因以勉之、薄者因以勵之、其為補助、豈淺淺也哉、至正辛卯仲春、偕亞中大夫福建閩海道肅政廉訪副使朶兒只班按部至于莆之仙溪、而其志書之板、則已危厄于兵燹矣、方用歎息惜、而邑士

傳玉成以家藏本來贄、因求重鏤于學官、或曰是志也、不過一邑之事爾、且多言曩代、奚足以吾辱、嗚呼、不有垂憲、孰窺乎前、不有述事、孰繼于后、矧是邑之板籍入于我皇元也久矣、輿圖雖大、又豈以其細微而不恤哉、制度沿革、當有續志于將來者、然則是書也、又可泯而不傳乎、方與從事劉朴等謀復之、而監邑倒刺沙乃願受其役、故以餘俸為之倡、士子咸喜板成之有日、復拜于庭而請序、因書以遺之、朝散大夫、僉福建閩海道肅政廉訪司事、河東田九嘉序。

書吏

李元

劉朴

奏差

王忠

朝散大夫僉福建閩海道肅政廉訪司事田九嘉
亞中大夫福建閩海道肅政廉訪司副使梁兒只班

雪刊

仙溪志序

古書有九丘、有方言、今圖經之類、爾然左史倚相與典、讀楊雄勤勤纂輯、豈其書果不可闕歟、吾郡三邑、仙遊最鉅、其山川之美、戶口之衆、前未有紀載者、少府黃君始奮為縣志、上下數百年間、人事之變、風土之宜、採之舊聞、訪之故老、皆有考據、釐為十五卷、其言曰、地以人重、瞻言耆舊、有列於慶歷諫官者、有危言讜論、相望於元祐黨籍者、有與鄒道卿同貶者、有為乾道名宰相者、其他魁彥勝流、不可勝書、故其志人物尤詳焉、曩予嘗同鄭子敬方

孚若至邑、西清陳公時年八十餘矣、余三人設醴清談竟夕、多及
乾淳間事、健少年不及也、豈其水深土厚、所產皆秀傑歟、黃君俾
余序其書、不獲辭、君名巖孫、字景傳、溫陵人、秩滿、臺郡皆以才薦、
將去、為潮州郡文學矣、寶祐五年、孟夏既望、中大、右文殿修撰、
提舉亳州明道宮、劉克莊序、

莆甲七閩分邑惟三、仙溪又甲諸邑、前未有志、是大漏典、今趙君
與泌事關風教、每切留心、堯舜道統之傳、盛於孔子、而尊經有閩
周程道統之傳、恢於朱子、而肖象有祠、重惟茲邑、山川連蹠、秀氣
所宮、鍾微前哲、崇經術、嗜理學、壽斯道之脉宏矣、真節高風、立懦
千載、不筆諸志、何以詔久、會邑士有請、諭尉黃君巖、孫編次之、於
人物為尤重、揮金十萬、以倡相之者、翕若半稔、而板傳一披、圖經
訪詔石勝、必有好事若韓昌黎者、僕來自京國、蘇兄攀龍偕同志
以復序為屬、竊惟有紙上志、有胷中志、奇峯峭拔、宜產鋪茶、生齒

稀而之繁、版賦豐而之縮、紙上志也、用則入徂徠聖德之頌、不用則入文德黨籍之碑、仕則致身鼎鼎而一畝不增、不仕則高卧林泉而累召不就、胷中志也、是舉也、裨風教居多、編次云乎哉、若夫緝莫絡於既往、紀流緒於方來、當有增光此筆者、陸澄地里書而任昉補之、王曾九域圖而王存廣之、深有望於後之人、寶祐丁巳中秋日平湖陳堯道敬之序

仙溪志卷一

宋迪功郎興化軍仙遊縣尉黃巖孫編
元興化路仙遊縣務提領黃真仲重訂

叙縣

仙遊之與莆田其始一縣也、莆之與泉其始一郡也、莆、泉之與福
建其始一全閩也、周職方載七閩皆無別國之名、今不可考、按郡
志言、秦隸閩中、漢隸粵閩、東漢隸南部都尉、吳隸建安、晉隸晉
安、梁隸南安、陳永定初、合建安、晉安、南安、升為閩州、光大二年、改

豐州、隋開皇九年、改泉州、此皆合全閩之地言之、至唐武德五年、析南安別置豐州、領縣二、曰南安、莆田、此莆田置縣之始也、貞觀元年、廢豐州、以其地屬泉州、今福州、聖歷三年、復以豐州地為武榮州、今泉州、尋析莆田為清源縣、今仙遊、此清源置縣之始也、唐舊相傳鎮、後因其名為縣、然舊無所紀、天寶元年、改泉州為清源郡、別駕趙頤正以縣名同郡非便、奏請改之、因考故事、謂縣有九仙人、姓何以兄弟九人登仙得名、遂改為仙遊縣、隸清源郡、乾元元年、以清源郡為泉州、南唐保大二年、升為清源軍、宋乾道二年、建為平海軍、而縣亦隨

隸焉、太平興國四年、詔析泉州游洋百丈二鎮置太平軍、尋改名
興化軍、五年、以莆田仙遊來屬、縣始隸興化軍、會要云四
年未詳、仍析仙
遊縣來蘇里入興化縣、析泉州德化縣九座山入仙遊縣、定為四
鄉、二十六里、唐地里志為中縣、九域志升為望縣、

星土面勢

吳越、天文分直星、紀於辰在丑、閩介吳越之中、而仙遊一支邑爾、
釋周保章謂諸國中封域於星亦有分、其書已亡、今不復詳攷、縣
治舊在大飛山南五里、唐垂拱二年始遷于舊治之南三十步、主

山來自九座山、蜿蜒百里、轟為大飛、小飛二峯、演迤度脉、繇亥位折旋為岡阜、降南而縣宅焉、西接飛山、東列石鼓、北枕瀑布、南帶仙谿、夾以二塘、水繇艮出、文筆峯、銅鼎環列其旁、水繞山蟠、而勢環翕其東南之壯邑也、

道里

仙遊之境、南際溫陵、東抵莆田、雖在重岡複嶺之中、而官道坦夷、行者便之、莆泉之趨國都者、皆阻於大義渡、邑有山路三、東出游洋、西出九座、德化、士夫商賈、咸道此為捷徑焉、

縣境東西八十五里、南北一百一十五里、

東三十五里至縣界、潯界首三十五里至本郡、又水路至縣南橋

至本郡木蘭陂頭七十里、

西五十里至縣界、

白隔嶺

界首五十里至泉州府永春縣、

南五十五里至縣界、

白水坑

界首四十五里至泉州府惠安縣、

北界首至興化縣、無徑路、里分不可攷、

東南五十里至縣界、

長嶺

界首四十里至本郡城、

西南三十五里至縣界、

白塔嶺北

界首百三十里至泉州府、

東北三十里至縣界何嶺

西北七十里至九座山、又十里至縣界、唐頭寨界首五百二十里至

劍浦、

鄉里

秦開阡陌、比閭族黨之法不古矣、今之鄉保、期會徵令、雖役于官、而通有無、知緩急、鄰里輯睦、猶可稱焉、

宋太平興國四年、定為四鄉二十六里、此條及下四鄉原本未注、

嘉禾鄉在縣西南、管里六功、建郭孝仁、養志、舊名康潔、仁德、保德、

歸德鄉、在縣西北、管里七、旋珠、善化、興賢、舊名樂輸、清泉、萬善、聞賢、舊名

聞、永福、舊名永安

修德鄉、在縣東北、管里七、咸平、常德、舊名常樂、折桂、舊名陽樂、安賢、舊名安樂、畫

錦、舊名幽谷、永興、舊名永泰、香山、

唐安鄉、在縣東南、管里六、香田、賜谷、仙谿、慈孝、依安、舊名依仁、連江、

官辭

聖歷置縣、幾六百年、中間撤舊更新、不知其幾、而碑刻多闕、歲月無所乎攷、然規模面勢、雄壯偉麗、比它邑為冠、

縣治據大飛山之南、正門南向、上有鼓樓、崇寧二年知縣錢聞重建、前設手詔

亭、內為簿尉二廳、相望、簿廳之後為省倉、常平倉、次為中門、翼

以兩廡、中為廳事、始建歲月莫考、淳祐十一年知縣趙時鏐重建、榕陰滿庭、東則庫帑

吏舍、西則賓次、獄犴、廳事之後有堂、曰平政、又其後曰平易、舊名

清心軒又名摘木、後改名五柳、嘉熙間知縣姚遇重建二堂、改今名、堂之東西寢處之室在焉、繇

廳之東曰東圃、舊名圃、梅圃、之內有錦香徑、徑之中愛香亭、循愛香

而北有亭二、曰橫琴、曰製美、循製美而南有臺二、曰清越、曰玉

醺、花木青葱、亭臺爽塏、皆公餘游息之所、聽事之西有樓曰望

考、今有堂曰道愛、

嘉定十二年知縣許伯翊建、陳諫

乃視事之便、

廳堂之後為舊宅堂、縣治之規模大略在是矣、

丞廳在縣鼓門外、南街之東、

舊為仙溪館、後改遷軒館、崇寧二年、置丞、始葺為廳事、紹定元年、縣丞趙

瑟夫

重建、大門之北為廳、廳之相向曰南館、內曰簡靖、東為宅堂、

前鑿池、築水閣其上、

簿廳在縣中門外、東南隅、

始建歲、月莫改、

前有看窓一間、瞰于市之

東街、東西有亭二、曰鸞樓、曰樂香、

舊名高士、矮屋、主簿林攜所建、後改今名、

尉廳在縣中門外、西南隅、

始建歲、月莫改、

尉李環重建、前有南軒、

嘉定